



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

Quòd homilibus in insistendum est operibus, cùm deficitur á summis. Ix

[urn:nbn:de:hbz:466:1-45790](https://nbn-resolving.de/urn:nbn:de:hbz:466:1-45790)

408 DE IMITATIONE CHRISTI
stias foris & intus . Non est, qui me consoletur ex omnibus, qui
sub cœlo sunt, nisi tu Domine Deus meus , cœlestis medicus am-
arum, qui percutis & sanas, deducis ad inferos & reducis. Dis-
ciplina tua super me, & virga tua ipsa me docebit.

Tob. 13.
Psal. 17.

6. Ecce Pater dilecte, in manibus tuis sum ego, sub virga corre-
ctionis tuae me inclino , percute dorsum meum & collum meum,
vt incuruem ad voluntatem tuam tortuositatem meam . Fac me
pium & humilem discipulum , sicut bene facere consueisti , vi-
ambulem ad omnem nutum tuum . Tibi me, & omnia mea ,
corrigendam commendo ; melius est hic corripi, quam in fu-
ro . Tu scis omnia & singula , & nil te latet in humana conscienc-
ia. Antequam fiant, nosti ventura; & non opus est tibi, vt quis te
doceat, aut admoneat de his, quæ geruntur in terra . Tu scis, quid
expedit ad profectum meum , & quantum deseruit tribulatio ,
rubiginem vitiorum purgandam : Fac mecum desideratum bene-
placitum tuum, & ne despicias peccaminosam vitam meam, nulli
melius nec clarius quam tibi soli notam.

7. Da mihi Domine scire, quod sciendum est; hoc amare, quod
amandum est: hoc laudare, quod tibi summè placet: hoc reputa-
re, quod tibi preciosum appetet: hoc vituperare, quod oculis tuis
sordescit . Non me finas secundum visionem oculorum exteriorum
iudicare: neque secundum auditum aurium hominum im-
peritorum sententiare: sed in iudicio vero, de visibilibus & spi-
ritualibus discernere: atque super omnia , voluntatem beneplacitum
tui semper inquirere.

8. Falluntur saepe hominum sensus in iudicando: falluntur &
matores seculi , visibilia tantummodo amando . Quid est homo
inde melior, quia reputatur ab homine maior? Fallax fallacem,
vanus vanum, cœcus cœcum, infirmus infirmum decipit, dum ex-
alitat: & veraciter magis confundit , dum inaniter laudat . Nam
quantum vnuquisque est in oculis tuis , tantum est & non am-
plius, ait humilius sanctus Franciscus.

C A P V T L I .

Quod humilibus insistendum est operibus , cum deficitur
à summis .

I. Fili, non vales semper in feruētiori desiderio virtutum stare,
nec in altiori gradu contēptionis cōsistere: sed necesse ha-
bes interdū ob originalem corruptelā ad inferiora descendere, &
onus corruptibilis vita, etiā inuitē & cū tardio portare. Quamdiu
mortale corpus geris, tardū senties, & grauamen cordis. Oportet
ergo saepe in carne de carnis onere gemere, eo quod nō vales spi-
ritualibus studijs & diuinæ contēptioni indesinenter inharrere.

2. Tunc



2. Tunc expedit tibi ad humilia & exteriora opera confugere,
 & in bonis actibus te recreare, aduentum meum & supernam vi-
 sitationem firma confidentia expectare, exilium tuum & aridita-
 tem mentis patienter sufferre, donec iterum a me visiteris, & ab
 omnibus anxietatibus libereris. Nam faciam te laborum obliuisci,
 & interna quiete perfaci. Expandam corā te prata scriptura-
 rum, vt dilatato corde, currere incipias viam mandatorum meo-
 rum. Et dices: Non sunt condigne passiones huius temporis, ad futu-
 ram gloriam, que renelabitur in nobis. Rom. 8:1

CAPVT LII.

*Quād homo non reputet se consolatione dignum, sed
 magis verberibus reum.*

1. D OMINE, non sum dignus cōsolatione tua, nec aliqua spiri-
 tuali visitatione; & ideo iustē mecum agis, quando me ino-
 pem & desolatum relinquis. Si enim ad instar maris lachrymas
 fundere possem, adhuc consolatione tua dignus non essem. Vnde
 nihil dignus sum, quād flagellari & puniri; quia grauiter & sāpe
 te offendit, & in multis valde deliqui. Ergo vera pensata ratione,
 nec minima sum dignus consolatione. Sed tu clemens & miseri-
 cors Deus, qui non vis perire opera tua, ad ostendendum diuitias
 bonitatis tuae in vasa misericordiae, etiam pr̄ter omne proprium
 meritū, dignaris consolari seruum tuum supra humanum mo-
 dum. Tuā enim consolationes non sunt sicut humanæ confa-
 bulationes.

2. Quid egī Domine, vt mihi conferres aliquam cālestēm con-
 solationem? Ego nihil boni me egisse recolo, sed semper ad vitia
 prōnum, & ad emendationem pigrum fuisse. Verum est, & nega-
 re non possum. Si aliter dicerem, tu stares contra me, & non esset,
 qui defenderet. Quid merui pro peccatis meis, nisi infernum &
 ignem æternū? in veritate confiteor, quoniam dignus sum om-
 ni ludibrio & contemptu, nec decet me inter tuos deuotos com-
 memorari. Et licet hoc ægrè audiam, tamen aduersum me pro-
 veritate, peccata mea arguam, vt facilius misericordiam tuam
 merear impetrare.

3. Quid dicam reus, & omni confusione plenus? Non habeo os
 loquendi, nisi hoc tantūm verbum: Peccauī Domine, peccauī; Psal. 50.
 miserere mei, ignosce mihi. Sinc me paululum, vt plangam do- Iob 10.
 lorem meum, antequam vadam ad terram tenebrosam & oper-
 tam mortis caligine. Quid tam maximē a reo & misero peccato-
 re requiris, nisi vt cōteratur & humiliet se pro delictis suis? In ve-
 ra contritione & cordis humiliatione nascitur spes venia, recon-
 ciliatur perturbata conscientia, reparatur gratia perdita, tuerit
 homo

Cc 5